

GJYKATA THEMELORE NË GJILAN

DEPARTAMENTI I PËRGJITHSHËM-DIVIZIONI KUNDËRVAJTJES, sipas Gjykatësit Ramush Ademi, si dhe procesmbajtësit sek.jur. Nuhi Ismaili, kundër të pandehurit Nikolla Dimitrijeviq nga F.sh. Pasjan, për kundërvajtjen nga neni 17 paragrafi 1.3 të ligjit nr. 04/L-050 të ligjit për deklarimin, prejardhjen dhe kontrollin e pasurisë dhe të zyrtarëve të lartë publik dhe deklarimin, Prejardhjen dhe Kontrollin e Dhuratave për të Gjith Personat Zyrtar. E në bazë të nenit 73, 74, 195 dhe 199 dhe 9 të ligjit mbi kundërvajtjet me dt. 12.02.2013 muar këtë:

AKTVENDIM

I pandehuri Nikolla Dimitrijeviq nga babai Zhivko, i lindur me 16.12.1964 në Gjilan me vendbanim në F.sh. Pasjan, Serb, shtetas i Republikës Kosovës, me profesion Ing. I Bujqësisë i martuar baba i 3 fëmijëve i gjendjes së mesme ekonomike, kinse nuk është i denuar e as nën hetime, madhor.

ËSHTË PËRGJEGJËS

Sepse me dt: 04.04.2012 ka dërguar formularin për deklarimin e pasurisë zyrtari i lartë këshilltar komunal pran KK- së Partesh, pas afatit të parapar ligjor që ditë e fundit ka qenë 31.03.2012.

-Me këtë veprim ka bërë veprën kundërvajtëse nga neni 17 parag.1.3.nr. 04/L-050 Për Deklarimin, Prejardhjen dhe Kontrollin e Pasurisë dhe të Zyrtarëve të lartë Publik dhe deklarimin, Prejardhjen dhe Kontrollin e Dhuratave për të Gjith Personat Zyrtar, e për ate shpallet përgjegjës dhe

DËNOHET

Me dënim gjobe në shumë prej 300(treqind)Euro.

Obligohet i pandehuri që dënimin e shqiptuar ta paguaj në afat prej 15 ditësh nga dita e plotfuqishmëris së këtij Aktvendimi në të kundërtën, do ti zëvendësohet në dënim burgu në kohëzgjatje prej 15 ditësh, duke llogaritur 20 (Njëzet) Euro për një ditë burgu të filluar.

Obligohet i pandehuri që në emër të paushallit gjygjësor ti paguaj kësaj gjykate shumë prej 10 (Dhjet) Euro, në afatin e njejtë si dënimin me gjobë.

Me nga një kopje të Aktvendimit të njoftohen palët në procedur.

Arsyetim

Agjencioni Anti Korrupsion nga Prishtina me kërkesën e vet nr.01-2517/12 të dt: 24.07.2012, ka kërkuar që kundër të pandehurit të shpallet përgjegjës, të ndëshkohet sipas ligjit.

Gjykata shqyrtoi kërkesën dhe konstatoi se e njehta është e bazuar në ligj.

Gjykatësi për Kundërvajtje ndërmur procedurën duke dëgjuar të pandehurin i cili ka deklaruar se vërtet formularin e plotësuar, për lajmrimin e pasurisë ka qen i obliguar, sipas ligjit ta plotësoj dhe ta dërgoj pran agjencioni të lartpërmendur gjer më dt.31.03.2012 si ditë e fundit. Më tutje ka cekur se formulari i plotësuar është dërguar pas këti afati ligjor gjegjësisht me dt.04.04.2012.

DPK/DMP
02
03-553/2013
21-02-2013

Në mbrojtjen e vet është përpjekur, të arsyetoj se formularin e plotësuar e ka dorëzuar tek zyrtari i Komunës së Parteshit me dt.30.03.2012, por zyrtari në fjalë me qëllim të keq nga inati ndaj këshilltarëve të opozitës nuk i ka dërguar formularët gjër me dt.31.03.2012 por pas këtij afati.

I pandehuri e pohoi kundërvajtjen por lut gjykatën që ta ket parasysht ate që u tha në mbrojtjen e tij duke kërkuar që ti shqiptohet një dënim sa më i but dhe ate nën minimumin e parapapar ligjor.

Gjyqtari pasi shtjelloi provat dëgjimin e të pandehurit, pohimin e kundërvajtjes nga ana e tij, nuk pati nevoj të shtjelloj prova tjera andaj e shpalli përgjegjës dhe e ndëshkoi me dënim gjobe njejt si në dispozitiv të këtij Aktvendimi, në bazë të nenit 17 parag.1.3 të ligj. Nr. 04/L-050.

Me rastin e matjes dhe shqiptimit të dënimit me gjobë me kujdesë vlerësoi mbrojtjen e të pandehurit, kërkesën për iniciimin e procedurës kundërvajtëse dhe shkresat e tjera të lëndës , e ndëshkoi me dënim gjobe, duke patur parasysht rrethanat lehtësuese si dhe ato rënduese për veprën kundërvajtëse në fjalë. Gjykatësi të pandehurit i zbuti dënimin nën minimumin e parapaparë sipas ligjit të lartpërmendur, duke u bazuar në nenin 9 të LMK. Posaqërisht si rrethan lehtësuese i mori se i pandehuri formularin e plotësuar tek zyrtari kompetent pran KK-së Partesh e ka dorëzuar m kohë me dt.30.03.2012, se kjo është kundërvajtja e par, se është zotuar se në të ardhmen nuk ka për ta përsëritur kundërvajtjen. Gjersa si rrethana rënduese i mori peshën e kundërvajtjes së kryer, dhe i shqiptoi këtë dënim, i bindur se edhe me këtë dënim ka për tu arrit qëllimi i dënimit tek i pandehuri.

Vendimi mbi paushallin gjygjësor është marr, në bazë të nenit 109 parag.1 pika 6 të LMK.

Me sa u tha më lart u vendos si në dispozitiv të këtij Aktvendimi.

GJYKATA THEMELORE NË GJILAN DEP.PËRGJITHSHËM – DIVIZ. KUNDËRVAJTJES

Me dt. 12.02.2013

Sek.Juridik:
Nuhi Ismaili




Gjyqtari
Ramush Ademi



UDHËZIMI MBI MJETIN JURIDIK: Kundër këtij Aktvendimi është e lejuar ankesa, në afat prej 8 ditësh nga dita e marrjes së këtij Aktvendimi Gjykatës së Apelit në Prishtinë – Divizionit Kundërvajtjes, ankesa dorëzohet përmes këtij Divizioni Kundërvajtjes.